

仙屏書屋初集

仙屏書屋初集詩總卷之六

宜黃 黃爵滋樹齋著

桂林龍隱巖陸放翁詩境兩字歌

扶疎桂之樹託根龍隱巖
涪溪之尊曲江石得此鼎足
真成三放翁去將千年矣
詩魂何處窮趨趲初宦遊
始聞海瘴癘不侵詩骨巉
山川建業盛衰感風月隆興
來往耽入蜀官微詩益富
一翁頽放憑譏諷嚴陵山水
天有意立談不果迴征驂
惜哉南園輕再出桑榆貶損
傷婀娜我讀翁詩若杜老
我觀翁字如蘇髯當時豪士

方信孺是否與翁稱意就乾坤笠屐相俯仰妙旨處處
裝華嚴只今寂寞湘江潭苔蘚剝蝕光怪潛手鍾萬本
穠谷谿蛟螭嘯壁猿啼龕使者謂周小前輩贈我珍貝相懸
之斗室萬象函一鐙熒熒歌劍南鉢劇心腎開神緘

張亨甫夢遊天台觀瀑圖歌

謝公踏破看山屐天台面目未曾識惟有寒巖兩導師
守此靈閤無人知怪君獨入赤城路咫尺雲車絕飛渡
玉龍天矯蟠胸來萬壑千巖失幽幕一勺何清泠飲之
肺腑清萬里濯雙足踏翻東海鯨流波逝去一萬古卻

來探索河源星上有斗牛不可以逼視下有絕磳深險
藏懣精詩魂到此苦逼窄忽然兩腋空飛騰挾元氣
隨降升夢想何必非真形安能相攜石梁去爲我破此
塵世纓桃花落澗蘿葛青醴泉甘冽胡麻馨世人誰不
羨劉阮眼前洞戶迷榛荆

次韻答簡夢巖

白雲照春海山色萬古妍

國初諸老筆鼎足千秋傳我我二樵子奮翰乾隆年峭
厲脫風氣精骨追古先潦倒嗟畢世卷帙留遺詮乃知

奇崛士風雅猶能肩君惟其桑梓聞聲感哀蟬識君已
十載日月飛鳥遷厥初快把袂放浪無拘牽醉沽燕雪
酒豔擘吳雲箋興闌蹤跡疎各悟喧靜緣况復遠離別
相思空結纒君有青玉珮愛我今能捐所期善交久一
榻爲君懸升沈何足論勉營壽世篇

讀湯海秋敘懷惜別贈吳蘭雪刺史之作斐然和
之

易道悟往復詩教辨貞淫自非豪傑士把臂誰入林楚
南有君子結契於我深古貌旣落落大言何炎炎寢饋

必退之溯游到子瞻志學十五年將爲風雅擔吁嗟子
之識峻與嵩華參吁嗟子之才淵爲巨海涵揶揄路旁
鬼爾顏何足醅嗜奇孰仙聖集益及愚慙君泛湘江流
我登廬山崙湘雨屈平淚廬雲陶令心編詩附三百此
爲陶知音南城詩徵作顯晦窮搜探始陶而終蔣論詩
旨清嚴南城曾賓谷前輩編江西詩徵有論詩百家遞
騰躍一脈中韜含後生誰繼起此業吾所耽四海遠莫
覩桑梓宜飽詣敢墮先詰守而爭世俗貪勁竹有茂實
貞松有繁陰如何託飄蓬無根與浮沈捧心效顰笑毀

骨騰謗讒變亂自爲厲顛倒人豈堪誅之類獲醢縱焉
嗟媚閹萬蛙或齊鼓一鳥翻成暗人生匪金石疾景愁
逝崦一爲識士鄙暗首徒荒斯君乎得藉手銳意無要
姸樹君芝蘭室惡草從之芟追思古作者芳烈貽靈襟
筆繪九霄日墨灑入方霖真氣天地塞正法鬼神欽逖
迤卽輕薄喪此德悖悖骨委毒猶布百輩同一殲君乎
無獨善與世爲鍼砭牛蛇絕怪誕粉黛除輕纖不爲嬰
兒語不爲老生談一字必矜慎詣苦而意甘庶幾斯道
尊志士之所快庶幾古道復俗士皆結箱有友徐與郭

永豐徐東松洲仗處青原潯想登六一堂孤衷神默飲
潭郭羽可儀霄

李侯及艾子

南豐李牧臣覺才亦非山凡四子先余驟東鄉艾至堂暢

骨幹森巉巉終然失提拔哀響閤青琴恐遂迫饑驅老

死誰見尋郭生最崛强萬里走趁趨悲歌激燕筑君顧

知其恬余豈狹隘量鄉人語詹詹誠憂亂厥本而爲智

者截江河發雲漢萬派同源斟我師古人師六幕一萬

岑茲事賴砥柱爾我當擇任開徑望三益結交恥黃金

徐子

廉峯前輩

喜吟詠有客能漑鬻往往致奇士氣類無北

南君其與之遊風馭而雲驂披髮叫閭闔誰能肆嘲吟

君詩投吳叟吳叟攜向黔因君一展誦鸞鳳迴清吟

畫貓

嗟爾畫工不畫深山之猛虎巨海之神龍龍虎變化不可測度使之搏鼠不爾貓若貓兮貓兮坐爾華堂氣胡不奮威不張耳不聞嚙橐之黥目不覩翻盆之狂君不見神荼鬱壘態貌巖當門鬼蜮紛挐掄又不見街頭邏卒密如織盜賊公行禁不得

次韻徐廉峰前輩龍樹寺作

高閣凌虛盡日開幾人閒爲看山來樹聲涼已破清夢

草色濃猶潑綠陪愁說斷釐翻玉柱喜聞駿馬市金臺
會須同就重陽菊明月當頭笑舉杯

孟蘭盆會詩

仗雨闌風鬼哭苦餓鬼纍纍三萬戶元都大醮玉京山
僧尼道俗歌且舞歌且舞懺佛祖送寒衣燒冥楮權龍
舟擊鼉鼓幢幡寶蓋大道旁男女雜沓更三五餓鬼啾
啾泣終古不聞餓鬼解倒懸但聞僧尼道俗饗酒脯吁
嗟乎男不耨兮女不縷野無田兮室無脯死爲餓鬼亦
其所君不見通衢讀灋無人聽古寺燒香怕鬼怒

磁州行

有客磁州來命我歌踏災地震一千里磁州百里尤可
哀歲在庚寅之閏月二旬有二天地怛陰風慘慘鳥鳴
蜩六鰲噴怒濺碧血黑水乖龍化爲蟒暗鳴化蛇食人
骨鬼伯哀號晝不輟或言城門磚粉碎無一全或言聖
人居寸地獨不顛其餘皆民廬但見瓦礫無人煙吁嗟
后土何不仁披髮叫閭闔
天子哀黎民踏災之吏悲酸辛嗚呼爾吏踏災踏未完
聖主酌勞恩若山

軒轅陵

朝望軒轅陵夕望軒轅陵白虹一千丈中有神龍升
七十五戰蚩尤死大風吹裂涿鹿水決策應自噬峒子碣
石乃有昭王臺求仙不得非仙才

弔雙松歌

彰義門內大報國慈仁寺二松相傳金元時舊
植也今無有矣漁洋先生有慈仁寺雙松歌因
和而弔之

昔從鹿洞攀古松攫挐海嶽雲濛濛山靈告夢十五載

披圖髣髴髯叟在，竭來燕市訪雙株。
茫茫卻憶金元伐，百折千盤歲月深。
風雷白晝爲哀吟，伽藍殿頭枝格格。
毘盧閣外陰森森，昔日蚪龍舞相向。
今時元鶴誰招放，我生不及追新城。
岸幘雄談月初上，法輪寶相幻無邊。
不見楊枝灑露泉，閉門落葉秋如海。
近市紅塵春漲天，君不見蠟梅軒黃姑。
僵臥呼不起，又不見杏花園飛英。
零落一何駛，何如不知不識空山中。
千載嶙峋老樹子，戒壇活動松歌。

西山薺虬一萬枝，戒壇兀兀乃特奇。
生平莫問隋唐植。

閱世幾泐遼金碑空山嶷嶷走白鹿鬼怪守護森結束
屈伸天矯白石壇風雨不動蟠如山不動如山動如水
活潑潑地那有此怪哉此叟太支離支離其神壹其體
一髮全身事偶同須從物理悟元工倚來月上太古洞
撫罷雲生極樂峰

烈婦吟爲劉新姐

新姐甘肅會寧縣人歸同縣生員盛教洽來逾
年盛卒新姐手治歛具旣畢潛出冒雨投水誓
死其父翰華自京師聞狀述槩如此

血淚慘慘天雨傾雨聲哭聲相聞并西方有女士與夫
同生誓同死雨聲不止哭聲止壻赴泉臺婦投水杳杳
黃泉冥冥蒼天願爲比翼鳥折翼投三山願爲比目魚
瞑目沈九淵衣裙密密縫不許旁人牽鬢髮何總總猶
堪鬼壻憐噫嘻噫盛家新婦何能然視死如歸生獨難
撫州行寄太守郭松厓前輩

牟城山宛宛半插高空半平遠牟城水湯湯其源清潏
流汪洋墨龍池上龍飛翔星辰照耀垂文昌名賢典則
首陸晏名宦風流首謝王石人晴雨天無定金窟銀峰

地寶罄水溯巴湘估客窮山梯岡粵征夫病黃山之山
高高可種竹黃水之水深深宜禾疇乃有不耕之夫原
上遊盜匍不足還盜牛我生之初風尚古歲時伏臘羅
尊俎昔日崇墉足穀家今時飄泊無聊侶臨川之南龍
骨渡乃是逋逃淵數處爲狐爲鼠逞恤他爲虎爲狼當
奈何父兄教不先子弟率不謹不見阿芙蓉家家鬼結
燐士貧孰義學民貧孰義倉貧人挑鹽富人食官吏捉
鹽鹽被據安得反澆俗盡爲農桑民安得挽薄習盡爲
紉誦人我聞顏真卿治陂灌田民利均又聞秦起宗儉

約安靜民化淳公其邁古昔與民爲更新愛民之吏公
其舉賊民之吏公其甄玉田氤氲靈谷芬側身而望歌
神君

瀟谿行送楊鑒泉大令

十年不看瀟谿山夢中雙鶴來珊珊十年不飲瀟谿水
接龍橋下無尺鯉西郊梅花三百株當時坐我冰雪區
孤芳無人成獨賞看罷歸來傾玉壺君今作令涉瀟渚
爲君載歌瀟風土瀟山高高瀟水清瀟士樸愿瀟民苦
試望逍遙樓浮雲變春秋試躡妙高履山從人面起龍

馬山房落葉堆岐山漢嶺空崔巍古人往矣不可作策
馬佇立斜陽隤我昔五載居瀘陽君方教士沅之江恨
不相逢爲主客與君政暇論文章

答湯茗孫中翰偶閱郡志有感寄懷之作

先生玉茗之詞孫雅才端合居臨川蛾眉入宮動謠詠
高吟負負聲淵淵尚想蘄鯨戲春海豈虞病鶴還秋山
千里懷人思悱惻三篇示我情殷拳上言法戒感先哲
下言天殛傷時賢吁嗟先生意良厚拭目文昌光燭天
金石臺空邈雲物墨龍蜥蜴鳴不聞賤子徘徊悵孤立

力微那得與懦頑燈火橫窗自展卷酒星瞰戶還傾尊
我欲汲黃蜂誰與濯纓尋清源我欲跨赤鯉誰與鞭石
遊崑崙不然廣招海內傑四方上下雲龍騫安能此眉
下俗子使我意氣無由伸鵝湖鹿洞久蕭瑟炯然義利
千秋懸一爲文人無足取况復驕客肆其姦吁嗟先生
意良厚我心實獲思古人

廬山

廬山有五老相友不相挾風雷失嘯傲元氣通闢翕試
從獨對亭望之若儼立俯同雲海噓仰其星河吸衆峰

自兒孫相與成豈
不知天地初五老
何由集日夕夢
寐之山靈笑不答

有鳥三首

有鳥有鳥名長離
音激揚兮求其雌
厥雌非皇兮鳳暱
之彩色晦失兮德
義衰鳳兮鳳兮爾
何以非雌爲

有鳥有鳥名鬼雀
白頸大喙聲譙譙
此鳥能令鳳凰詠
死白晝咒人人爲
之不樂驅之驅之
妖由人興兮不自
作

有鳥有鳥阿蘇兒
麗容采采披綠衣
自言解求無上道

老僧見之癡且快吁嗟乎老僧不能畜鳳皇畜此巧言之族我心傷

江亭送秋放歌

鳳城南有江翁亭獨當一面西山青遊山有約竟不果
秋風獵獵摧枯櫛蘆絮點白翻綠觥揮觥參錯笑語騰
不覺風際斜陽明天公感人慘何極秋來無端去無迹
我欲大叫馮淳沱挽此秋江旦夕之逝波

殘菊吟三首

柔藤附古松鮮葩粲縱橫不見松隕斃但惜藤飄零扳

援豈不牢倚畀安所憑嗟哉此殘菊孤立猶亭亭

桃李二三月紛紛紅白花冶遊盛年子寵昵爭光華太
息蜂蜚妬狼藉先交加嗟哉此殘菊寂寂秋士家

長安賣花翁種花豔寒歲雖然先時榮弱質易彫墜分
無再開時傾洩甚妖冶嗟哉此殘菊孤根茁元氣

與潘四農論詩偶述八首

名都白馬耀人寰陶杜千秋鼎足間我欲辦香添一座
香鑪峰下白香山

瓠史千年休挂壁石經三部要摹碑百家衣體聊遊戲

下筆原宗杜拾遺

宗工一代首漁洋佳句名流迭表章若使篇篇追漢魏
應難收入小滕囊

列國風謠貢不聞采詩官廢選詩紛有誰淬鳳龍泉劍
碧海青天洗毒氛

嚴武幾難容杜甫溫公未敢薦髯蘇感恩知己分明在
悔煞才人體段物

空同大復苦相訾逸氣雄才各不腐誰爲故人釋囹圄
當年跡弛失良規

誰將文字覩天巧韓筆真堪配杜詩怪道青田誇二鬼
元和雙鳥已支離

學士詩成每自誇道園著作定篇家後來只解新詞句
春雨江南唱杏花

江南行送姚石甫大令

民病醫所治民命官則司蒼天蒼天胡不慈我歌江南
悽以悲姚侯江南人去作江南吏江南之民溺以饑許
身稷契侯所師惜爾應非百里才陽侯迫怒翻江淮蒿
目誰澹東南災

天子曰吁爾往釐大吏聞爾當諏諮姚侯此去毋遽遲
江南江北民無歸白日但聞新鬼哭四野幾見流民炊
或言此災是海嘯海水倒捲江橫馳又云老蛟破山出
直挾黔楚噴百溪蒼天蒼天胡不慈何物乃敢干天威
聖主如天覆不私一夫失所嗟百罹姚侯此去毋遽遲
要鋤稂莠慎防維信友獲上侯奚疑

秋雨歎寄海秋亨甫

秋雨颯沓淒五更孤燈無燄樹有聲百年之憂一息集
虛室疑有鬼神入文章鬱鬱感我腸世事真真幻轉睫

四海知君意氣大湯生兀兀張生挫非愚自笑北宮窮
有懷欲救翳桑餓我有破屋如廬仝秋深四壁愁雨風
杜陵悵悵萬間厦此願恐付虛無中湯生家潯陽潯陽
之水橫披猖張生來燕市燕市米價亦騰起無田可耕
祿可養白雲高高悵南望君乎與我同寂寥黑頭那得
取卿相西望翠微山山中泉石何蕭閒我有夙約竟孤
負終夜漫漫坐愁歎張生三日遊未回湯生咫尺亦不
來眼中之人生我哀謂及門章生昨者珠玉今黃埃吁嗟萬
事乃如此日月遷流枉悲晞明朝秋霽堪登高安得痛

飲中山醪

贈范叟

當年生入玉門關
楊柳青青送客還
回首那能不惆悵
夕陽盡處是天山

答侯瘦鶴

君住三山亭子間
朝朝當戶看三山
他時若訪安期去
東道能開竹裏關

仙屏書屋初集詩錄卷之七

宜黃 黃爵滋樹齋著

同吳子序入翠微山訪亨甫大悲寺

張生遊翠微忽得隱寂寺
冒雪載詩去孤吟情不寐
不寐夫如何抑塞平生志
聊攜一尊酒與君佐譚藝
月靜華在空風微香到鼻
夜殿逼星斗天雞破寒睡

由龍泉庵至香界寺

寒日射空巖泠泠泉可汲
僧還采樵歸人隨飛鳥入
俯視已蒼茫仰觀更岵岵
落葉滿平坡還向風中踏

寶珠洞登極頂作

諸天入山腹大地蟠吾襟憑欄一以眺都邑何森森黃
塵覆十丈浩浩人海深茲遊悟解脫揮手登危岑太行
旣阻絕桑乾綠湛湛安能奮遐舉聊此爲哀吟

由秘魔厓返大悲寺

盧師去不歸二龍跡杳然惟有山中僧敗葉煮寒泉老
松立青壁險絕不得援厓前怯久坐磴底貪窺綠循坡
倏蛇赴入罅如蟻穿逡巡出石腹轉側迴山肩人語墮
夕暝棲鳥寂不喧團團昨宵月縹緲升雲巔

靈光寺

覺山何所覺西有清冷泉我行出山去清冷不可聞傳
聞翠華塔高竝翠微巔千年怵興廢贗跡寒蕪煙

長安寺

靈光路南轉瘦柏如人立蕭疎一百株對我疑俯揖載
尋善應松奇絕矗階級落落青蚪鬚差差白龍甲可憐
桃李朝遊客亦踵接我來獨何遲信與後彫愜

釣魚臺

昨過花園邨臨湖挹晴翠淙淙牖前流鬱鬱坡後卉今

茲地始凍往來怯風厲冰日相映射寒光滿裘毳因思
王處士慘澹入詩氣自非李欽叔仙語孰知貴惜哉
撥麤篇何似垂竿餌太息語吾徒潛心竢良會

張亨甫博陵登眺圖

有客挾驂騮徘徊走燕郭醉登黃金臺觀星叫伯樂有
時賦鵲鵲飛鳴何所託年年鄭州道荒墳弔扁鵲冰雪
滿滹沱幽幽日欲落漫攜中山醪一覽安邊略廣漢聲
銷沈王商不可作至今博水間蒲葦但蕭索勸君且莫
悲蒼蒼視寥廓古來豪傑士不敢怨飄泊時晦霧藏豹

機通皋唳鶴君今入翠微茲圖挂印壑前塵黯欲驚舊
遊恍如昨目極保塞南寒雲浩朔漠

東家有女行贈苗仙露

東家有女名添丁十八作簪歸苗生入門拜生問生母
願佐中饋調杯羹妾從江南來行過洛水北道旁不少
似兒人啼饑號寒行不得行不得別爺娘爺娘鬻女活
女命女別爺娘空斷腸朝汲水暮紡絲汲水不爲爺娘
食紡絲不爲爺娘衣風吹遊絲冒高樹落花紛紛墜泥
汚君有佩兮青琅玕妾有懷兮赤瑛盤君當報親爲親

歡妾當報君爲君歡

感舊詩十二首

家素堂先生

弱齡請業許從容每羨家兒向阿翁坐對主賓變桂下
詩成風雨一鏡中生前馬爰聞誰造死後方干報亦窮

吟魄淒然更何處鳳凰山北武夷東

師嘗遊杭州及聞之武夷

鄧鴻洲先生

清姿奕奕是英年

此師癸酉秋對鏡那堪白髮憐鴻雪

飄零傷故我

師自號雪鴻老人

童書蕭瑟抱遺編

師先世衡山先生著有童

書堂前春色嘗傾蛾郭外秋聲每聽蟬差喜到門無
俗士只今空谷已荒煙

瀘谿魏松齡先生

諸孤藐若近何依十載黃泉涕淚揮未信鷹鷂爲令健
自甘苜蓿療傭饑長安幾載劉棻酒故里誰握范縝衣
裘馬風塵總蕭瑟先生原不愧知幾

余誠齋先生

崛起荒江惜此身不求聞達性情真著書但欲傳家學
讀易誰能索解人一去空林悲落葉百年逝水失潛鱗

杏花溪上梧陰屋欣見雛鶯弄好春

臨川紀慎齋先生

少小聞聲一見君蕭蕭鶴髮氣干雲
神仙不薄人間吏
先生令什邡人雷雨深藏篋裏文
閱世辭榮心自足
戒呼曰紀神仙
人作令語偏勤平生學易師陳邵
咫尺無因證舊聞

永豐張鶴舫先生

青原西望鬱龍葱前有廬陵後一峰
我識先生非俗吏
獨存古道見儒宗
傳家手澤堪楹庑
歷劫文章慎笥封
憶別東湖蕭寺裏
桂花秋落夕聞鐘

羅硯傭前輩

一棺誰送海東回天絕斯人劇可哀野穀不生民待命

黃金無術吏非才百年烏羽飄風盡

令兄位齋亦有兩學行先數年卒

世蘭芽慘雪摧終感

聖恩重良牧

先生令盤屋行保甲破重案仁廟有盡心良牧之褒

歸魂含淚話

泉臺

歐陽詩樵嫻丈

春風開徧繡毬花稽古軒頭夕照斜

稽古軒君讀書處

誰識有

才過短薄劇憐無命似長沙一堂師友情懷洽

庚午辛未間予

隨素堂師壽泉兄與百家伯仲嘗爲詩社
百戰文章涕淚加
雛燕飄零忽南
北不堪回首舊雲霞

外舅李庚垣先生

二十年間飛鳥過眼中
杯酒動悲歌
荒原薄葬松楸暮
破屋寒炊子婦多
有志儻能守耕讀
無端或恐見撝訶
思歸正有淇泉淚
雪影蕭蕭下女蘿

峽江郭韻堂廣文

梅花一笑寒煙外
出郭沿溪攜手行
瀘水未堪明月去
笥山已許白雲迎
庭前老母機猶切
膝下嬌兒經其橫

底事百年工。懶散蹉跎未肯學長生。

東鄉胡仲玉戶部

天南海北不勝情。誰料依依判死生。猝病妻孥斷消息。

聞喪故舊半疑驚。竟辭作吏原無負。

君以拔貢得知縣改就朝考校官

若晉名郎定有聲。苦憶燕門宵話別。微雲澹月一尊傾。

新城陳伯芝庶常

低徊京國千秋別。灑淚西風向海天。其是醉翁門下士。

極知同甫世間賢。科各垂老曾何補。文字埋頭恐失傳。

寄語巴西黯雲月。空嗟雙壁種藍田。

君與余穎霞進士皆予鄉舉同年今

兩君先後卒座主吳梅梁先生自四川以書來問目並及之

懷人詩八首

座主會稽吳梅梁先生

照人誰似中天月不任浮雲半點遮自是愛才深報國
絕憐落第未還家當時屢費升沈問好句彌慙賓客誇
廩粟只今麋上谷音書何以慰三巴

宛平劉藹亭先生

蒼穹欲問涕沈瀾海國淒涼落照寒自典朝衣笑沽酒
誰分俸米勸加餐妻孥不信爲官好風雪真愁行路難

獨倚濤頭發長嘯蛟龍猶爲報平安聞赴臺灣渡海遇風得無事

錢塘張麗生府佐

紅蕖佳句舊流傳

君舊有紅蕖閣詩草

不見張侯十二年古服勁

裝師往哲歟歌嫵舞悔時賢蠡湖一勺能消渴廬岳三秋只對眠欲取新詩爲往復夕陽搔首斷雲邊

臨川游雲嶠廣文

九江浩蕩飛鴻際不見銜書到達郵風雨彌天破蛟鱷文章無地畔牢愁四絃掩抑蘆花渚一夢迷離橘樹洲

東道主人能泥飲飄蕭猶記其登樓

戊寅九月偕君自劉坊至許灣禮鳳

主人姜鶴亭
留飲累日

瀘谿傅笋圃秀才

酒闌撫劍一悲呼
白屋寒燈風雪孤
世上榮徒羨軒冕
斯人窮可託妻孥
試烹溪水應憐濁
偶種庭花便不枯
憶爾蕭條歧路別
何時踐約訪麻姑
乙酉秋予馳書約
君遊麻姑山比君
之南城予以
病不果行

德興余東才明經

逍遙樓畔對君譚
苦茗千杯酒百觥
春雨過憐花寂寞
秋風吹憶髮鬢縱
驅神鬼才何用
但老江湖夢亦酣

三疊泉飛足明月君嘗遊廬山幾時高臥其精藍

寧都甯卓峰徵君

空山一卷自長吟落葉騷騷天地心雷雨匣中無故劍
風濤海上有靈琴已知養豹成文彩卻憶飛鴻空遠音
三魏堂前斜照滿二廬峰下暮雲深

泰順潘穀士明經

君住晴川孤嶼間波光如鏡岫如鬟壯遊獨爾輕離別
饑逐何時返故山涉世因嗟孟門險知音偏爲伯牙慳
當年縱酒酣歌地落日浮雲涕淚潛

辛卯歲除家大人六十生日敬述示兒子模林槃
我年將四十我父六十春養志竟奚似奚以慰吾親我
幼嗟失恃惻惻無母人上賴祖母慈飲食養其淳我父
亦憐之小筆不加身我祖年六十攜我徂陞畛習與老
農語一一聞艱辛十六附學籍二十貢成均廿三作司
訓攜家瀟水濱我父時時來不避荆與榛視我妻與子
量我米與薪論我課諸士無吝無逡巡廿七領鄉薦攜
家還宜津堂上辭祖父室中淚沾巾壯遊輕離別奇氣
鬱欲伸文字動卿相命數厄鬼神師友強留之蹉跎迫

窮鱗謠言沸鄉里豺虎踞四鄰旣毀我室家又傷我天
倫卅一成進士蓬山登嶙峋祖年方八十奄忽摧雪菌
歸拜祖母父泣血盈素茵聞當易簀時念我猶在臂遺
命給資斧使我無驟貧嗟予守詩書食報由祖仁何忍
累骨肉而收私廩困但恨心計拙號啼非無因我父今
六十愛我徒恣恣豈無賢服屬豈無賢婚姻事梗情莫
達年荒勢亦迫側聞今年夏雷雨輶蛟螭千夫荷鋤泣
炊斷惟青燐爲仁無富室幸禍有奸民縣官縱之噬弱
肉强者信嗟彼東南災浩浩翻天輪流亡伏四野不得

向天呻山區何足惜蹂躪使其泯我亦有敝廬他人塞
且瑾我亦有石田他人畚且畝近畏鄉俗壞遠念世事
屯安能叩閭闔直道還斯民上摩日月蝕下決江河涇
桑梓沐吾澤戚黨飲吾醇以我養親餘養我教子賓作
詩勵吾志兒亦書諸紳

四十初度次韻酬亨甫見贈之作

繫予坐無聞忽忽四十年逝矣日復日庸忤他人先意
氣昔方盛文章況易傳美酒輒數斗一洗胸塵填醉來
多謬誤獨醒還問天陰求天下士與世誰仔肩豈無平

生歡寂寞誰爲憐
瘁者澤其車
愚者豐以田
騏驎駕千里
渴飲不得泉
長安始得君
如月融澄川
君時未三十
氣骨何岸然
以君名未就
使我懷屢遷
送君逐南北
魂夢紛糾纏
君方積憂患
予輒叢悔愆
娥眉動見妬
南箕工緝翩
或鼓或數罷
或喜或泗漣
世情雜疑信
術業難自專
百年迭飛鳥
萬事眞浮煙
欲獻雲和曲
誰張清廟絃
欲理水仙操
誰泛東海船
與子結同心
豈爭旦夕緣
挽狂驚旣倒
損疾悔不遄
自笑不量力
追逐徒躋顛
何以報知已
何以惕冰淵
子來勿遐棄
俾我無遷延
在山

爲小草出世爲王連禹稷况飢溺鮑謝徒清便但恨歲
不與敢怨躬無權君才敵萬夫學更優於前寶劍慎藏
匣雕弓惜控弦雲龍期上下乘馬仍追躔有田不歸耕
無田未空懸吾生已如此摹擬徒陳編未能獲魚兔何
可忘蹄筌虛受貴取咸自強當法乾與世較長短何異
註市廛感君於我厚勗我交道全人才急運會忍使中
道捐昕期善馭者其策珊瑚鞭水兮波淼淼山兮石戔
戔誠通物無忌道濟古所賢不然學農圃猶可貽孫元
憶我三十時郭子示新篇古義切勸勉蓬心終戾旋今

茲愧良友頗飫北海筵江南復有士於我加敬虔山妻
亦好事繭紙搜連蜷再拜乞君詩遠韻流風蟬何以報
君意媿乏中谷荃與君永勿違保此金石堅

風

振撼爾何意飛揚似有因觸宵迴短夢破曉見驚塵響
激虛堂戶寒生矮屋人門前桃李樹披拂總成春

壬辰五月晦日江亭消夏時望澤孔殷作歌四首

聊寄所懷

皇天久不雨兮田爲蓬祇攪我心兮噫其風有美伊人

兮蓬萊東惠然顧我兮儼且豐何以飲之玉液鐘頤與
子兮鞭毒龍

皇天久不雨兮野如炎祇攪我心兮雲曇曇有美伊人
兮南垂南惠然顧我兮和以誠何以飲之芙蓉觥願與
子兮騰靈驂

皇天久不雨兮井爲泥祇攪我心兮天投霓有美伊人
兮弱水西惠然顧我兮清且宜何以飲之葡桃卮願與
子兮甦尺鯢

皇天久不雨兮厨無漏祇攪我心兮電赫赫有美伊人

兮噫峒北惠然顧我分壯且直何以飲之碧林石願與
子兮驅霹靂

泰山篇

我我泰山高興雲只膚寸二氣潛降升百靈爭效順
深宮變萬民屢減天厨膳去年東南災今年畿輔旱神
聽豈無憑人心亦已嫚爾田有嘉禾而使草滋蔓我欲
驅惰農非種力鋤耨以此息神恫庶幾回天眷皇皇
聖主心圭璧方卒薦岱宗望若何重此天潢遺天心神
所依民命神所援爾神亦有威失職伊誰譴胡勿鞭龍

師一布河海潤而煩顓皇天涕淚揮雲漢

後泰山篇

曉起望蒼穹陰雲竊四合疑是泰山神夙駕朝闔闔初
訝龍羣翔倏如鶴散集欲施膏仍屯將調氣轉雜深井
無新泉茂樹有落葉但見日杲杲何嘗雨霽霽林燥鴉
不喧叢枯螢喪熠人驚見魑形官預捕蝗帖

深宮下明詔求言戒泚滄凡百所利民補救必專輒皇
皇

聖主心天鑒神所答會須鞭龍師河海爲歡飲及今尚

可望過時空請急更思東南區癘鬼恣血喋誰傳哀籲
聲奈此流亡湓豈伊人事窮神力或已茶敬告泰山神
毋爲黠伯黠嵩霍與華恆陰陽庶昭燮

仙屏書屋初集詩錄卷之八

宜黃 黃爵滋樹齋著

壬辰立秋江亭卽事次壁間王述庵侍郎韻

秋氣一夕至虛亭翫以高天猶倬雲漢水不滿城濠跼
踏塵中駕江湖夢裏舫穴乾難徙蟻沙涸失藏螭靜驗
時將變深懷物所遭衆生眞蟬蛻吾意漫陶陶異俗戀
搖搖荒年疫鬼豪天心宜善轉民氣恐多囂我負太倉
粟聊沽上谷膠孤吟但蟬噪於世亦牛毛嗜久因成癖
瘖時空自搔旁觀足訕笑君子挾遊敖言大猶嫌杜行

芳誰擷騷蒼黃千態幻金石寸心牢不量追前輩休嗟

虱我曹他年望京闕此日攬神皋水部頻占鵲調楊星

侯戴瀛洲共釣鰲調徐廉官憐催墨綬問樵士尚乞藍

袍調陳登之志壹神先定功深語必韜多材歸有用小技惜

徒勞旱魃驚焚火飢黔利執磬牛羊有求牧鳥雀不相

鐏笏向西山挂尊仍北海操夜來風雨急百斛洗吟毫

送鍾仰山前輩

踰瀚海而北是爲外蒙古其西科布多金山截門戶

天子簡大臣咨爾其往撫威信示諸王恩詔周各部前

輦中朝彥明刑昔已覩保茲仁民心絕域猶堪處漠風
吼層冰九月雪在廡毳裘那得溫奇寒慎所禦迢迢哈
屯河北流入唐努牛羊散諸泊遷徙詎常所練才
聖主知報績賢臣取酌酒送公行炎天洗涼雨

送林芾南假旋吳川

故人今夕酒遊子舊時衣涼月一帆去秋雲萬里飛到
時梅乍發夢裏客先歸獨我勞南望蕭然理素徽

送張浦雲大令

一雨新涼別緒催到時應及嶺頭梅重臣方捧平搖

詔健令尤宜救世才鴻鴈聲憐秋水濶驂騑道向白雲
開琅瑯尚有東遊客謂郭可憶爾臨風句獨裁

贈孔宥函二首

俠士三尺劍才人五字詩藏鋒莫輕試陳義在深思之
子信良士超然能得師會當沽美酒一醉菊花時
不抗囂塵狀方滋山水心清光月在壑迴響鶴過岑我
欲采靈藥因之弄素琴風煙愁阻絕靜者意方深

題曹良甫河陽金石錄後竝送出都

人生匪金石所貴榮名傳榮名何所託壽以金石堅金

亦有時乘石亦有時捐惟餘萬古月流照黃河邊君昔
經河陽訪古徧洛北安仁誰繼聲韓墅亦荒寂白楊帶
古墟風雲慘無色蒼涼手一編姓氏半沙礫逝者已如
此來者空徘徊惟應念幽谷回首花石厓石厓不可居
來上黃金臺秋葉墮馬首酌爾蒲桃盃君歸月始涼君
來及花發努力其功勲不朽視奇骨

送亨甫南歸竝寄羽可沂州

狂風吹雲散八極雲欲合并不可得嘶風健馬空徘徊
啼雲餓鴈何時息青天古月如鏡飛不照團圓照別離

沂上有人謫 招我孤吟魂魄相
因依勸君且作琅琊遊
好爲故人三 嗟虛名曷足寶
不若家園種秔稻
君不見松柏友 歲寒工師一
顧開笑顏縱驚龍化九霄
上終失鸞樓五岳間

酬史梅裳

有使持帖來貽我西海珍
時承惠此物奚由貴可以清
心神寒厲霜雪氣和生腑肺
春還以語君子味道養吾
眞廿載識姓字覩面嗟無因
中間所親暱各自晤屈伸
日月多晦蝕海水悲爲塵
德功夫何如立言苦未純
君

詩學杜甫遭遇亦等倫努力樹風雅刻琢返其淳
谷虛有靜羽川濁無恬鱗歌君所贈詩繼燭飲以醇
木瓜報未能永好慙風人

有酒八首

徐廉峰前輩屬山陰勞君作四子論詩圖潘四
農記之予方爲有酒八章因錄之以質知言者
圖中席地執卷者爲廉峰倚石立者爲張亨甫
握管如欲吟者爲四農抱膝相對者余也附志
於此補記中所不及

有酒君弗斟誰能飲其醇有琴君弗鼓誰能聽其真有
酒且復酌春葩粲若雲有琴且自理皎月迴高寒人事
有顯晦大道無亨屯梧桐生朝陽鳴鳥倘可聞

飲冰怯中寒炙火或傷熱太和乃元音所發皆中節七
情苟不調八音何由徹百變返一真道在孰信屈

何必九疊屏始識匡廬山何必九折流始信黃河源泥
古肖其貌未必恬我神氣盛水浮物時哉風感人萬類
動則變茲理古所聞

雅鄭聖所辨詩體近益淆陳隋滌濫音效者何咬咬宋

詩似語錄猶被作者嘲言文豈不貴信巧亦已佻是謂
攻異端害若洪流驕

文人習相輕造物若爲弄天苟縱其才忌者復何用羣
山有時頽岱華自雄控百川有時涸江海利納衆

神龍大野睇天馬絕迹行是謂溯眞率因之返虛靈道
簡物彌鬯器繁音愈清孰謂守糟粕而可薦王廷

老農事耕作悠然畢吾分未聞薄人功而妄疑天運知
人良亦難不知己奚慍趾亦有時壯尾亦有時遯幽默
亦悅心仁者言可詡

文雉鳴春曉元鶴唳晴雪人詎不如鳥而自捫其舌計
工道已達力盡心徒結淑慝未分明何以事旌別斯文
如可廢孔孟當無述

吉安行送李蘭卿太守

繁昔蟻權文江頭斜陽百里青原秋我思古人不可作
芳芹欲薦嗟無由新詩愛讀徐仲子文獻千言挈原委
永豐徐東松湖潭有舊家常有未刻書貧士更無可負
吉安文獻詩百韻

米山有鸞鳳誰則騫之水有蛟鼉誰則遷之頗聞嶺海
言莫涉外江灘粵人謂嶺以外江之灘險殺人道途惶

恐官不聞吁嗟白蓮花爲莠作而神楓今在否我欲公
家無負租私室有餘粟不有劉竺誰歌白鹿春風蕩兮
迴燕門五花去兮騰五雲作詩遙語吉人士良二千石
今來矣

言志答郭羽可

薄田南山下躬耕本吾分一希纓組榮翻悔酒食困老
父白髮皤童孫總角壯骨月十年疎情懷終夕亂夏暍
思飲冰冬嚴思炙炭天功未可貪親志要當順有廬居
吾父何必夸輪奐有酒介吾父何必備調鸚苟還天倫

樂底事人爵美伊昔喜文章頗欲求英彥劍必合雌雄
鼎必區眞廣漢宋非兩歧陸韓乃一貫唯雜孰使然作
興吾所願其或從置吏使攝柄尺寸用人不用己何德
亦何怨不聞樂正子所優在好善願築棟梁貞庶使磐
石奠四十乃無聞蹉跎恐不振旣孤

君父恩焉避友朋訕偉哉郭夫子肝膽獨傾見屢自田
間來欲爲天下援德可活萬人才未試一縣馳驅望康
莊閱歷詫險澗心危識易疎道枉力難奮明月麗高穹
不爭一夕電蒼松蔭增厓不爭一朝薜出亦無所加處

亦無所問何時吾與君結鄰向下溪

吳孝婦刲臂療姑前輩錢辛楣詹事爲之傳其子

嘉淦予戊子江南所取士出此卷乞題

惟姑有孝婦知母有孝子剜肉以事姑婦孝亦云止吳
山何崔崔吳水深瀰瀰金刀有時刲血誠耿不死生其
慎所受俾母九泉喜

春暮飲花之寺四首

紅意闌珊綠意饒郊原春去路迢遙海棠雨過憐蕭寺
芍藥風吹問草橋

帽影衣光冒曉煙惜花猶是暮春天年年春色過如夢
片片花心沒似禪

往時詩社記頻開萬點飛花落酒杯祇有黃鶯餘繾綣
風前故故啄莓苔

主客多情爲送春莫辭花下酒清醇玉鞭歸趁斜陽裏
可念荒田望澤人

移居東艾至堂并示袁生

僦居長安市有若借枝鳥風雨苟足蔽飲啄亦自了有
時迫遷移聊復力汎埽久暫晤夙緣去就信洪造風動

簾疎疎月入窗皎皎魂夢頗安恬雞犬其馴擾招我匡
廬朋話我故山好層厓黯青松清池荒綠藻結鄰願豈
達芘厦功誰紹所期居高明相與窺奧突求安或垂堂
得止卽塵表爛眠竟何如一笑視鴻爪

答至堂疊前韻

兩榻墮飛蠅風廊警宿鳥琳瑯篇忽投齷齪熱能了二
子命追隨一室先灑埽攻木必藉般登車幸逢造世人
多汶汶君志獨皎皎平生一片心豈爲號啼擾故人趙
直與李嶠親見爲官好而我慙廩餼空復斂辭藻盛名

瓊莫副雅度憲誰紹白日易西匿一鐙晃堂突夜夢叫
閭闔徘徊攬四表鳳皇自羽毛虎豹空牙爪

東徐廉峰前輩再疊前韻

丈夫貴適志飛躍信魚鳥胡爲獨皇皇正復爭了了自
從走東華車塵不得埽卑棲謝鬼瞰高詠詫神造相賞
屢逢君雲霧月方皎兩心互相澄萬物一何擾天謂君
詩人宜任蓬瀛好大道悵榛蕪雅材幸斧藻授徒念薪
傳課子思爬紹鐙燭或在堂梨棗或在突嗜好諒所同
一室覽八表詩舫更何處

時君亦遲我烹腐爪
將移居

飲客篇酬劉慕堂

火雲愁見騰高空蕭然坐我蓬壺中濯髮盈盈柏葉露
牽衣拂拂楊柳風琳宮紺宇何玲瓏陰陽明滅迷雙瞳
卻疑我佛萬千手化作千柄萬柄之芙蓉芙蓉託根在
銀漢香雲縹緲神仙觀遙指虹橋路可通天上人間同
汗漫龍潭老龍忽飛起萬斛倒瀉長河水樓頭碧玉有
千聲鏡裏青天無一滓瓊島瑤臺不可留白日欲匿心
煩髮主人飲客方未休驅車出郭星在頭似聞吉語要
靈修招我桂華開日冰輪秋

送鄒級甫

返轡君方亟鄉園近若何盜泉能塞竇佳木定繁柯花

落仙源古

君族祖宋提刑居邑之桃源洞

樓荒夕照多

君居譚坊明義敏故里有樓今

地臨風一相送惆悵遙關河

送李四如還江寧

旅跡太行北歸心采石東家無感中落天或縱文雄道
義存知己饑寒切貌躬期君廊廟日不與衆流同

題張川甫樂志圖卽送其歸震澤

吁嗟乎張生悔不種稻太湖側無車無魚空惻惻手持

一卷冰雪文懸之國門世不識世間豈無足穀翁一笑
讀書徒耳聾長安少年佩玉藥寶馬一飛塵四起周旋
未識向何門路旁寒士有赤泚寒士一第如登天苦無
尺寸梯其身上天儻亦憐寒士有書可讀田可耘嗚呼
食不必萬鐘可以養吾儒居不必廣廈可以庇吾徒孰
借我瓶經師人師孰負我米傭書之子出入悠悠浩歌
春秋亦農亦士予取予求吁嗟乎張生此樂信儻佯胡
不掉頭返故鄉世人黃金曾有盡爾志白髮猶能強秉
時則翥否則藏我展斯圖心徬徨

明金僉事牙華堂歌爲亞伯給事作

鈴山山頭荒狐狔黃河塞兮公一出蜀山吠犬欲噬日
大壙炎兮公再蹶吁嗟僉事非懦夫傲骨歸可葬西湖
牙華堂高一萬仞衛以天龍守以龜計公之從孫況無
兩一鶚已看凌風上葦公茲堂繪茲圖突兀見之驚惚
恍桐華榭冷石軒當時嘯詠不可聞嗚呼毋謂當時嘯
詠不可聞秋高鶴唳橫空山

癸巳中秋次韻答陳淵珊并示江南留京諸子四

首

唳鶴一聲來遠皋
羈人爭不夢魂勞
已憐束縛非吾志
安得馳驅更爾曹
帝女河橋終寂寞
嫦娥月殿自清高
卻愁天末浮雲蔽
冷雨催成點客袍

江南幾輩昔知名
未必文章愧長卿
客去蕭然瓊島夢
水流悽絕玉河聲
匣中古劍疑龍化
衣上浮塵逐馬生
頗似晨星三五點
因依北斗不勝情

太行秋色來天外
長嘯江亭一倚欄
咫尺尚難招好友
逍遙何處揖仙官
揮戈漫見陽烏返
挾瑟空憐夜月彈
廩粟虛糜竟何似
瓣香慙愧熟詩壇

要從出處見眞吾澄澈冰心貯玉壺朋友多情誰管鮑
師生無負卽歐蘇觀書鐙下眼如月待爾花時酒滿觚
莫歎儒冠誤秋髻他年勉力其鵬圖

疊前韻酬艾至堂并寄梅伯言張開甫凌厚堂家
香鐵徐莘生四首

眼裏何人匹禹皋

九重側席正憂勞喜聞河朔回豐歲漫笑乾坤虱我曹
秋氣遙連碣石壯亂雲偏擁太行高蕭蕭一夕霜風緊
有酒難澆舊緼袍

四海應知五少名黑頭那不到公卿孰堪人世升沈感
半作天涯風雨聲險語直從鴈門落至堂客忻離愁黯
向潞河生匡君夢裏頻招手苦荀鹹齏亦有情

諸君意氣眞渤海燕市高歌興未闌破格幾時聞薦士
著書應不負爲官三年楮葉偏難刻一曲輪袍莫浪彈
終見東南文蔚起褰旗大將各登壇

已笑今吾非故吾蘭臺翹首悵蓬壺庇人無厦我何補
盤國有才民待蘇誰爲高堂馨夕膳聊施低案課奇觚
黃花時節能相過勝寫東坡三士圖

癸巳重九日招諸君飲江亭作

又見江亭九月秋
常年送客怯登樓
亂雲易障西山日
尊酒難消北海愁
蕭槭殘蘆風不捲
蒼涼落木鳥偏投
應憐道路飢驅者
已讓茲邱是勝遊